



DECLARACION

- . Er IEA-AAALO ei corresponsable damb eth futur deth pòble catalan exercit a trauès d'un procès netament democratic.
- . Er IEA-AAALO, se compromet e solidarize damb eth dret a decidir deth pòble catalan e deth pòble aranés.
- . Era proteccion qu'era Catalonha autonòmica a dat ar aranés a creat un modèl e un exemple mondial de proteccion d'ua minoria, e de promocion dera sua dignitat.
- . Era proteccion qu'er aranés a rebut ena Catalonha autonòmica ei eth màger grad de proteccion governamentau que jamès se li a dat ad aquesta lengua.
- . Era proteccion dera lengua occitana en Catalonha dignifique a Catalonha, la convertís en paradigma mondial deth respècte identitari, ei un modèl internacionau de tolerància e repercutís ena creacion d'ua imatge de societat dubèrta contrària as fondamentalismes lingüistics. Era promocion der occitan en Catalonha a repercussions ena comunicacion deth respècte que Catalonha cre qu'eth catalan deuriè de recéber en aqueri endrets enes que non ei lengua majoritària, e per tant se convertís en un argument propagandistic deth tractament qu'aurie volut recéber e que demore auer en un futur.
- . En un futur era lengua occitana aurà d'auer aumens es madeishi drets qu'ena Catalonha autonòmica. Serie absolutament contradictòri entrar en un procés de negacion dera oficialitat der occitan en tota Catalonha.
- . En un futur era lengua occitana, aranés en Aran, a d'incrementar es drets d'accès e d'emplec des ciutadans, a de milhorar era sua preséncia publica en toti es mejans, a d'èster més presenta en toti es servicis educatius, formatius, sociaus,... e a d'auer accés a instàncies internacionaus.
- . Eth pòble aranés aurà de decidir eth sòn futur. Correspon as institucions de govèrn dera Val d'Aran, especialment ath Conselh Generau d'Aran e ath Sindic d'Aran, era estructuracion e era gestion deth procés de decision deth pòble aranés.

Vielha 8 de juliòl de 2017